


南京
文獻





第六冊

第18至20号

一九四八年六月至八月

南京文獻

上海書店

南京文獻

譽韓



第十八號

民國三十七年六月

張 鉉：至正金陵新志（九）

秦際唐：南岡草黨墨餘集

陳熙春：詩法撮要

南京市文獻委員會
通志館印行

金陵新志卷之九

學校志總序

洋洋乎禮樂之爲教哉。其本實於人之情性。其用起於飲食語默間房閭巷。而達於冠昏喪祭宗廟朝廷之上。其儀章度數聲容之節。則學士大夫。世守其說。以訓天下後世。然古之君人者。曷嘗不以身爲訓哉。詩曰。於論鐘鼓。於樂辟雍。則文王之學教以樂也。又曰。敬慎威儀。維民之則。則魯侯之預宮。教以禮也。禮樂明備。上下於上下。則天地以合。日月以明。四時以成。萬物以昌。故君子之教人於學也。使之耳聞雅頌之音。目視威儀之禮。足行恭敬之容。口言仁義之道。則邪僻之心。無自而起。邪僻止而習俗美。習俗美而王道成矣。然而教道降汙。視時升降。秦人廢學校。播詩書。不旋踵而亡。漢武帝之時。禮壞樂崩。缺有間。而能黜百家之言。尊六藝之教。文治由是興焉。晉祚江左。歷宋齊梁陳。日尋干戈。而其衣冠禮樂。盛於諸國。本之學校之益爲多。自唐以降。惟宋氏以文治比隆三代。其損益存尚。咸可觀攷。我朝初有小夏。首用許文正公。開設黼黻學。示天下以禮義之端。承平百年。自公府州縣。以及閭巷。士民咸得宗祀先聖先師。設學以教。士習益彬彬焉。而集慶蓋以行臺。官守恪勤。他郡莫及。原化理。徵文獻。作學校志。

歷代學校沿革

前志稱秦伯。以至德立吳。後有季子。聖門子游。始北學焉。(里人也)漢史刺史黃霸。爲揚州三載。所至百姓向化。孝子悌弟。貞婦順孫。日已衆多。田者墾畔。道不拾遺。獄無重罪。吏民向教化。興行旅。何武行部所至。先卽學官。見諸生。試其誦論。問以得失。然後入傳舍。出記問。梨田頃畝五穀美惡已。乃見二千石。光武時。李忠爲丹陽郡太守。起學校。習禮容。春秋鄉飲。選用明經。郡中向慕吳主草。披讀猶覽書史子籍。勸武將讀書。(呂蒙

其臣貴登輔相。猶樂教誨。(步隨)景帝詔徵學官。首立五經博士。(永安元年詔曰。古者建國。教學爲先。所以道世治性。爲時養器也。自建興以來。時事多故。吏民頗以目前趨務。去本就末。不循古道。夫所尚不淳。則傷化敗俗。其安古置學官。立五經博士。核取應選。加其寵祿。科見吏之中。及將吏子弟。有志好者。各令就業。一歲課試。達其品第。加以位賞。使見之者樂其榮。聞之者羨其譽。以敦王化。以隆風俗。)晉都江左以來。朝臣皆儒雅風流。篤厚。學益興矣。永嘉初。王導上書元帝曰。夫風化之本。在於正人倫。人倫之正。存乎設庠序。庠序設。五教明。德禮洽通。彝倫攸敘。而有恥且格。父子兄弟夫婦長幼之序順。而君臣之義固矣。方今戎虜煽熾。國恥未雪。忠臣義夫。所以扼腕拊心。荷恥膠固。淳風漸著。則化之所感者深。而德之所被者大。使典闕而復輔。王綱弛而更張。獸心革面。變養檢情。揖讓而四夷服。綏帶而天下從。得乎其道。豈難也哉。故有虞舜干戚而化三苗。魯僖作泮宮而服淮夷。桓文之霸皆先教而後戰。今若聿遵前典。興復道教。擇朝之子弟。並入於學。選明博修禮之上。而爲之師。化成俗定。或尚於斯。帝納其言。建武初。征南軍司戴遵復上疏。請篤道崇儒。以勸風化。帝從之。始立太學。江東大饑。詔百官各上封事。益州刺史應詹疏曰。元康以來。賤經尚道。以玄虛宏放爲夷達。以儒行清儉爲鄙俗。宜崇獎儒宮。以新治化。大興三年。皇太子釋典於太學。咸康二年。國子祭酒袁瓌。太常馮懷。以江左殘安。請興學校。帝從之。立太學於秦淮水南。廢丹陽郡。城東南。徵集生徒。而士夫習尚老莊。儒術終不振。太元十年。尚書令謝石。請復興國學於太廟之南。宋元嘉十五年。立儒學於北郊。命雷次宗居之。明年又命丹陽尹何尚之立玄學。著作郎何承天立史學。司徒參軍謝靈運立文學。(宮苑記。儒學在鎮山之麓。時人呼爲北學。今草堂是也。玄學在雞籠山東。今棲玄寺側。史學文學。並在耆閣寺側。)二十七年罷國子學。而其地猶名故學。齊竟陵

王子良開西邸。延才俊。遂命爲士林館。(西郊在雞籠山。)梁大同六年。於臺城西。立士林館。延集學者。武帝初好儒術。其後尊信佛法。講譯內典。而士林輕矣。南唐跨有江淮。鳩集典墳。特置學官。濱秦淮。開國子監。(今鎮淮橋北)山東衛比較務卽其地。里俗呼爲國子監巷。)宋雍熙中。有文宣十廟。在府西北三里治城故基。天聖七年。丞相張士遜出爲太守。奏徙廟於浮橋東北。建府學。給田十頃。賜書一監。景祐中。又徙於府治之東南。卽今學基。建炎兵燹。紹興九年。葉夢得更造學校。西京例令增置教官一員。作重修府學記。見前志。淳熙四年。劉珙重修。慶元二年。張栻建閣以奉御書。閣下建議道堂。稍重釋典禮儀。儲典籍。增饌廩。文風大振。淳祐初年。劉之傑增修學宇。六年。趙以夫卽命教室。更名明德。增造兩廊。以妥從祀。十年。吳淵列祠先賢。增學廩。創泮莊。寶祐中。馬光祖興學校。舉校廡集周漢以來名賢贊而祠之。士氣興焉。今學規模率倣前制大成殿。在櫺星門北戟門內。從祀位在兩廊。御書閣在明德堂後講堂。卽今明德堂。議道堂在御書閣下。齋舍東序三。曰守中。曰進德。曰說禮。西序三。曰常德。曰育才。曰興賢。祭器庫二。一在大成殿前東廊之內。一在御書閣東偏。公廚在東序後。射圃在義莊倉西有亭。名釋思。後改正己堂。

置經籍

宋。聖中。賜監書。紹興初。賜石經。宋末帥閩師儒收貯。其所藏自御書石經經書史書子書理學詩文集圖志類書字書法書醫書。書板石刻卷帙以千數計。歸附後。兵火散失。蕩然一存。詳見前志。

增學計

天聖七年。始建學。朝廷給田十頃。其後續有增撥。至靖康增至三十八頃五十七畝。房鄉士

十二間。及酒坊三處。歲收錢一千八百二十四貫有奇。至紹興二十八年。以秦中王所送錢一萬貫。續置到田一千八百九十畝。其後本府。又有增撥。至於景定田地之所隸者。共九千三百八十畝。一角六十步。坊場之所隸而三歲入錢二萬四千餘貫。銅井坊。在江寧縣。銀林坊。鍾山坊。皆在溧水縣。廬場之所隸者。二歲入錢四千三百餘貫。白鷺洲一所。計一十五頃三十八畝有奇。木瓜洲一所。計六百畝有奇。通而計之。歲入米三千八百八十餘石。菽麥四百石。錢四萬一千餘貫。柴薪絲麻之入不與焉。會計有籍。記載有碑。皆繫於學。提督錢糧。則通判東廳之職也。

立義莊

義莊創於淳祐辛亥。退菴公淵守金陵時也。是年四月。府有牒報學。其略曰。當使昨以四明府學。有義莊一所。每年收到租課。凡簪纓之後。及早在學行。供食職事生員。遇有吉凶。於內支給贍助。心甚慕之。抑康府士子貧窶者多。或遇吉凶多關支用。尤可憫念。今用錢五十萬貫。同買到制司後湖田七千二百七十八畝三角二十八步。歲收四千三百餘石。米麥相半。發下本學置簿椿管。如委的簪纓之後。及見在學行供職生員。或有吉凶。請具狀經學。保明申上。給米八石。麥七石。米每石折錢三十六貫。麥每石折錢二十五貫。本年發糶田。舊租米麥解到價錢一十二萬餘貫。發下提督府學錢糧廳。照應拘收。自五月為始。照規支給。仍將後湖田地畝步。明確入籍。自本年夏料為始。將所催租課於廣濟倉寄廩。本學發士錢米。不相干涉。牒學照施行。仍示士子知悉。府學同申八項。一欲就本學空閑地段設倉收椿米麥。一欲就學庫旁令夾截庫收春錢會。一欲專及上著。不及遊學之人。一欲將到殿入學赴任人。委係貧窶者。照古事例。併與周給。一欲立凶禮支助之例。惟祖父母自身親兄弟妻子事故者常給。不許以疎為親。以無為有。妄陳苟得。一欲請教授同正錄

直學五員。親到倉庫。同收同支。受人親世交領。置簿登載。歲終有會。一欲置租課總簿。僅銷季終有會。一欲將田畝籍冊。及義莊始末。並刻於石。以垂永久。五月二十二日。府牒並從申行。至次年二月。又牒勘會。本府昨置立義莊。如委係釋纓之後。及見在學士著行供職。事生員貧寒者。或有吉凶。當府學保明申府。給米八石。麥七石。米每石折錢三十六貫。麥每石折錢二十五貫。則例雖已立定規模。尚未爲廣。自今月二十六日爲始。如是他處遊學士人。見在本學行供。或在本府寓居。雖非土著。如有吉凶。併與一例支給。兼照得人人申府。亦恐煩瑣。今專委西廳通判提督。如遇有陳乞之人。卽請本學契勘。詣實保明。明具申提督廳支給。牒學施行。

設官

教授二員。分東廳西廳。散官皆從仕迪功文林等郎。自紹興二十八年。迄開慶元年。有題名記。見前志。

書院

明道先生程子。（事見程子書及先賢傳）師濂溪先生周子。得孔孟以來不傳之學於遺經。嘗爲上元主簿。且攝縣事。政教在人。思之不忘。淳熙初。忠肅劉公珙祠先生於學宮。朱文公爲之記。紹熙間。主簿趙師秀來居其官。卽廳事西偏。繪像祠之。嘉定乙亥。主簿危和。請於太守劉渠。於簿廨之東。得鈴轄舊廨之地。改築新祠。部使者西山真德秀。捐楮二十萬。粟二千斛以助之。未幾。李公珪來繼劉公。咸相其役。前護重門。中儼祠像。扁其堂曰春風。上爲樓。旁二塾。曰主敬。曰行恕。名其泉曰澤物。及其坊曰尊賢。旣成。舉郡博士及諸生行釋菜禮。自是春秋仲丁率爲盛典。置堂長及職事員。延致好修之士。西山嘗記其事。未幾。廢爲軍儲賓寓之所。淳祐己酉二月天大雷電。書閣忽災。郡守吳淵更創之。閣似從益偉。

。卜爲春風堂。聘名儒以爲長。招志士以共學。廣齋序。增廩稍。做白鹿洞規。以程課講。士趨者衆。理宗聞而嘉之。親書明道書院四大字爲額。與四書院等。寶祐內辰。郡守馬光祖得西山碑於瓦礫中。重刻之。開慶己未。率僚屬會講於春風堂。聽講之士數百。乃鵬山長修程子書。刻梓以授諸生。給田增廩。而教養之事備焉。祠堂居中三間。廣四丈。深三丈。中設塑像。榜曰河南伯程純公之祠。東西兩廊。合一十五間。御書閣在春風堂之上。五間廣八丈。深四丈五。藏御書經籍。春風堂在祠堂後。七間廣十丈。深五丈。取朱公拔見明道先生謂人曰。春風中坐了一月之語。燕居堂在主敬堂後。尙志堂三間在主敬堂前。東序兩明齋三間。在主敬堂前。西序兩。敏行齋三間在主敬堂前。東序北。成德齋二間在主敬堂前。西序北。續添省身齋。在春風堂前左。養心齋在春風堂前右。大門屋三間。廣四丈四尺。深一丈八尺。左右設楹。緣以垣牆。帥府累增撥到田產四千九百八畝三角三十步。上元縣徐提舉等三戶。佃田七十三畝。又三十八步。地二十一畝一角。江寧縣邵仁等一十戶。佃田七十七畝三十八步。句容縣戴自德等四十一戶。佃田三百八十六畝二角四十三步。地一十二畝一角二十五步。雞產二十六畝二角二十步。溧水縣平登仕等一十四戶。佃田三千五百四十二畝四十七步。溧陽縣楊省四等一十八戶。佃田產四百九十二畝三十八步。歲入米一千二百六十九石有奇。稻三千六百六十二斤。菽麥一百一十餘石。折租錢一百一十貫七百文。又有白地房廊錢。常州宜興縣管下房貨。歲收見錢八十貫九百文足。玉監場獻到白地房廊三頃。右兩廂丫頭巷北街白地貨錢官減外。日收一貫一百四十文足。崇道橋南馬司寨前白地貨錢官減外。日收四百二十五文省。係七十陌。雞行街魚市街羅行口房廊貨錢官減外。日收二百六十六文省。本府每月撥下贍士支遣錢五千貫。十七界官會。并蘆柴四十束。凡錢糧官掌其出納。所支供奉有差。歲終有會。月俸。山長一百貫。錢糧官二十貫。堂長一百貫。米二石。

堂錄六十貫。米一石五斗。講書五十貫。米一石五斗。堂資二十六貫。米一石二斗。直學二十四貫。米一石二斗。講資一十七貫。米一石二斗。司計一十三貫。米一石二斗。掌書一十五貫。米一石二斗。堂詞一十四貫。米一石二斗。齊長一十貫。米一石。正供生員。每名五貫。粥論米七斗。日供職事生員。米二升五合。造食錢三百文。山堂長貼食錢七百元。堂錄講書貼食錢五百文。堂資至齋長貼食錢二百文。照規書食簿支送。不行供者不支。宿齋職事生員。每夜支油錢二百文。堂長掌錄講書。每夜支油二兩。不宿齋者不支。寒月添炭。自十月初一日爲始。至正月終住支。行食宿齋者全支。不宿齋者半支。凡支錢。並用十八界官會。凡支米。並用文思斛斗。官設山長。制置司幕官兼。後始剔除。

南軒書院。祠南軒先生張栻。本設精舍。後移城東。爲今書院。淳祐三年杜杲記曰。天禧寺側屋六七楹。曰南軒。曾先生講習之地。日就傾圮。甚至春秋以遊宴之所。杲昨在江潭募下。猶扁閉。心竊念之。告之長而莫之聽。竊冒闖事。比至不可舉目。於是治葺之。繪像於中。題石琢詞云。景定志。天禧寺方丈後。張宣文讀書處也。真文忠公爲轉運使。建祠屋於舊址。其後總領所以爲權酷之場。知府杜杲。爲屋六七楹。撥田百畝爲祀事。咸淳中。馬希祖建一堂求仁任道明理潛心四齋。極高明。樓公屏九十二間。開路前除。命兩校糊梁度謁。又撥田四十畝入焉。歸附後。附於城東儀賓館。在明道書院西南。

茅山書院。按慶元志。天聖二年。知府王隨奏處士侯仲道於茅山營書院。授生徒。積十餘年。自營糧食。望於茅山齋糧所刺莊田內。給三頃。充書院贍用。從之。事見乘拱元龜。後不詳何年廢。今額在鎮江路。

置縣學

（上元縣學）在縣治西。景定二年。鍾知縣張英建。梁椅撰記。

（江寧縣學）在縣治北。景定四年。王知縣鐘建。楊巽撰記。

（句容縣學）始建於唐開元十一年。在縣衙東。宋開寶中修。皇祐二年七月。太常博士方峻再建。元豐二年。以縣南館驛改造。紹興壬申。淳熙己亥重修。寶慶丙戌易民地築牆垣。左右疏池。明年建濂溪明道伊川三先生祠。與石刻亭對。有石宰記。

（溧水縣學）唐武德元年。建至聖文宣王廟。在縣東三十步。宋熙寧二年知縣關杞。遷於通濟橋東南。建爲學。紹興六年重修大成殿。并建講堂齋舍。三十年重修。隆興二年。知縣李衡增員發士。淳熙十三年冬。重建講堂。明年夏。重修兩廡。紹定二年增建尊道堂於命教室後。嘉熙四年。建小學於戟門右。淳祐五年。重修大成殿。六年又創釣鼈亭於尊道堂後。臨淮水。七年三月重建戟門及櫺星門。東西兩廡。十二年建齋舍一十二間。寶祐元年重修命教室道二堂。創學廡於西廡。改命教室。榜曰明倫。景定元年。重修大成殿。及東西兩廡。作亭於櫺星門外。取易臨卦象傳辭榜曰教思。前後縣大夫皆以興學爲務。故溧水文風最盛。貢舉爲多。有周應合記。

（溧陽縣學）後漢光和中。溧陽長潘乾嘗立校官。其碑銘尙班班可讀。紹興中。喻仲遠尉溧水。得此碑於岡城湖之傍。（湖在今溧水州界）其地在當時必縣治也。唐有縣令柳均。興學校。發生徒。其事見於斷碑。淳化五年。縣令夏侯俄建宣聖廟於縣西門外。（其地卽今西門內廣濟行祠）皇祐四年。知縣查宗閔移學於縣城東南隅。崇寧中。增廣齋舍於學前。卽高爲堂。曰挹秀。大觀三年。建閣曰折桂。建炎末。潰兵撤屋爲營。唯餘大成殿。紹興十八年。知縣施祐因舊址興創。二十年。重加葺治。嘉泰中重修。仍建待聘軒於德化堂之後。嘉定初。建濂溪明道伊川龜山四先生祠。及櫺星門。有與能觀光尙志麗澤四齋。十三年。知縣陸子通重修齋廡。甃階庭。立楊忠襄公祠堂。增置祭器書籍及學廩。改造庖廡。學前臨溪。創

關射圃 登士之計。時有增益。

各縣主學。景定三年始設。以特奏名授文學出官者充。其祿同主簿尉。班在主簿尉下。主簿尉非正科。則下主學。(以上詳見前志。)

祀先賢

祠堂四所。在府學與祀者二十六人。

濂溪先生周文公 明道先生程純公 伊川先生程正公 晦庵先生朱文公

右四先生 在大成殿東。

丞相范忠宣公 丞相呂文穆公 一拂先生鄭介公 通判楊忠襄公

丞相周文忠公 南軒先生張宣公 勉齋先生黃文肅公 資善先生吳正肅公 西山先生真文忠公

右九位。在大成殿西。

太師魯國顏公 丞相李文定公 中書傳獻簡公 少保馬忠肅公 樞密包孝肅公 尚書張忠

定公 右六位。在明德堂東。

丞相趙宗簡公 丞相張忠獻公 丞相呂忠穆公 丞相陳正獻公 尚書黃公 樞密劉忠肅公

樞密丘公

右七位。在明德堂西。

舊志府學祠堂。初惟二所。東祠明道先生。蓋爲道學之宗。而皆主上元簿也。西祠忠肅楊公。

蓋嘗爲建康倅。而死節建炎者也。淳祐中。增立諸祠。臨邛魏了翁有忠襄楊公祠記。

先賢祠堂一所。在府學之東。明道書院之西。書溪之上。馬光祖建立。自周漢而下。與祀者

四十一人 各有讚。

至德讓王吳太伯（初逃句曲山中）越相國范蠡（築越城在長干里）

漢嚴先生子陵（名光。縣廬漂水縣。）漢丞相忠武侯諸葛孔明（名亮。往來說吳。又勸

孫權定都。）

吳輔吳將軍裴文侯張子布（名昭。宅在長干道北有張侯橋。）

吳將軍南郡太守周公瑾（名瑜。周郎橋在句容縣。）

吳侍中尚書僕射是子羽（名儼。宅在西明門。）

晉太保睢陵元公王休徵（名祥。墓在江寧化成寺北。）

晉小西將軍孝侯周子隱（名處。子隱臺在鹿苑寺。）

晉太傅丞相始興文獻公王茂弘（名導。宅在烏衣巷。）

晉太尉大司馬長沙桓公陶士行（名侃。事見石頭城。）

晉侍中驃騎將軍忠貞公卞望之（名壹。廟在冶城南。）

晉太傅廬陵文靖公謝安石（名安。宅在烏衣巷口。）

晉車騎將軍獻武公謝幼度（名玄。別墅在土山下。）

晉右將軍會稽內史王逸少（名羲之。事見冶城樓。）

晉中領軍光祿大夫吳興（名隱之。茅屋故基在城東。）

宋徵君雷仲倫（名次宗。開館雞籠山。號北學。）齊真簡先生劉子珪（名獻。居檀橋。

齊諸王侍讀陶通明（名弘景。居茅山。）梁昭明太子蕭德施（名統。齊墓在定林寺後。

唐太師刑部尚書魯公顏清臣（名真卿。昇州刺史。）

唐翰林供奉李太白（名曰。往來金陵。具載本集。）

唐山南西道節度參謀孟東野（名郊。溧陽尉。）

南唐內史舍人潘佑（見江南錄）

南唐司徒致仕李致堯（名建勳。賜號鍾山翁。）

太師徵國文公朱元晦（名熹。淳熙除山東轉運。）

樞密使濟陽武惠王曹國華（名彬。開寶昇州行營統帥。）

尚書忠定公張復之（名詠。祥符知昇州。再任。）中丞恭惠公李幼幾（名及。淳化昇州觀察推官。）

樞密孝肅公包希仁（名拯。天聖知江寧府。）丞相忠宣公范堯夫（名純仁。治平江東運判。）

宗正寺丞純公程伯淳（名頤。嘉祐上元主簿。）監安上門鄭介夫（名俠。清涼寺有祠。）

少師龍圖學士文靖公楊中立（名時。胥家溧陽。）

恭政莊簡公李泰發（名光。紹興宣撫使。）

太師丞相魏國忠獻公張德遠（名浚。紹興留守都督。）

祕閣忠襄公楊希稷（名邦乂。建炎知溧陽縣。遷通判。）

太師丞相雍國忠襄公虞彬父（名允文。紹興督府參謀。）

安撫殿撰宣公張敬夫（名拭。督府機宜文字。）太師正獻公吳勝之（名柔勝。生於金陵。）

太師參政文忠公眞希元（名德秀。嘉定江東運使。）

右祠有周應合作記。按閩十陳宗上制置姚希得書。略云。宗支郡底僚。澁叨幕議。日過開適。值制幕諸丈。以乞修餼。卜祠爲請。字謂此旌表往賢。以激勵今士也。卜。晉人也。其死節固有所稱者。然已有祠矣。修不修。未害也。本朝蘇文忠公。其雄文博學。廉行直節。爲今古所宗。其他言動。靡不悉拔。藝能靡不絕出。青溪祠先賢。凡四十一人。皆以其生於斯。任於斯。居且遊於斯者。乃獨增文公而不祠焉。斯非一大闕典乎。我橋翁制使先生。夙弭憲節。實蒞贛城焉。文忠特創祠於贛。亦以文忠歸自鯨波。夷猶二水。瞻言懷之。精爽如在。於是修梁巍棟。峻閣深堂。以奉文忠廟貌。洒掃有卒。職掌有士。至今過者。儼然如見。遂以此祠併爲先生憩棠。今斯事之闕。固在前人。而補闕之機。則在今日。此一段公案。何以異於贛祠。先生憮然曰。前人之闕乎此者。豈不知文忠之遊於斯邦。子宜搜其往迹。比成佳話。正恐缺不止是也。宗拜而退。退而尋諸篋中。則僅有文忠詩稿。見文忠在金陵爲詩。凡十有五篇。其一篇序曰。上歲九月二十七日。在黃州生子。名遜。小名幹兒。顧然穎異。至今年七月二十八日。病亡於金陵。作二詩哭之。又四絕句。前曰。次荆公韻。末一篇。則曰周王勝之遊蔣山。正他次葉致遠韻。釋者曰。致遠投東坡詩。正征介甫於金陵也。次裴維甫韻。釋者曰。維甫解石於金陵也。次段縫韻。釋者曰。縫家居金陵也。不特此也。紹聖元年。又至金陵。得鍾山泉公書。寄詩爲謝。并贈和老詩。又不特此也。建中靖國元年。自海又至金陵。又次韻清涼老詩。此則文忠經行金陵吟詩之最著者也。邵子文聞見紀錄一事。朱晦庵載蘇文忠言行曰。王介甫與蘇子瞻初無隙。呂惠卿忌子瞻才高。輒間之。中丞李定。亦介甫客也。不服母喪。子瞻以爲不孝。作詩詆之。定以爲恨。劾子瞻作詩謗訕。遂下御史獄。謫居黃州。後移汝州。過金陵。見介甫甚款。子瞻曰。軾欲有言於公。介甫色動。意子瞻辯前日事也。子瞻曰。軾所言者。天下事也。介甫色定曰。姑言之。子瞻曰。大兵大獄。漢唐滅

亡之兆。祖宗以仁厚治天下。正欲革此。今西方用兵。連年不解。東南數起大獄。公獨無一言以救之乎。介甫舉手兩指示子瞻曰。二事皆惠卿啓之。安石在外安敢言。子瞻曰。固也。然則在朝則言。在外則不言。事君之常禮耳上所。以待公者非常禮。公所以事上者。豈可以常禮乎。介甫厲聲曰。安石須說。此則文忠經行金陵事迹之最偉者也。其題長短句於賞心亭。著觀音頌於崇因寺。至今碑刻。人多慕之。此則文忠經行金陵。墨蹟之尚有者也。而闕之可乎。文忠懷歐陽文忠之詩曰。先生經行處。草木皆可敬。在今亦當云然。安有祠諸賢而不祠文忠者乎。亦當時區處祠事者之偶遺耳。或者曰。建康志亦載邵子文見聞錄矣。宗曰。公於元豐三年。正月謫黃。七年二月移汝。由汝至金陵。今志載是事於元豐三年。則是當時乘筆之士。猶且於此疑惑。其不知文忠之遊金陵可知也。非有意闕而不書也。猶幸是祠。初定初四十二人欲祠前制使馬裕齋之大父野亭。裕齋曰。野亭自有祠於漕司矣。此不必列。賢哉是言。可以觀君子之所存矣。天其或者。將補文忠之闕於今乎。抑當時議者之說。雖沮於裕齋。猶曰。今祠位尙虛其一。後之君子。常有列野亭於北祠以備其闕者。吁。夫亦漫言耳。後之君子。亦惟有成裕齋之美。而行裕齋之言耳。今欲鉤慈。行下有司。選以此祠居文忠之像。以世代之先後。定時賢位次。文忠則程純公同時。純公亡在元豐八年。行年五十二。時文忠方年五十。小純公二歲。合在純公之次。中間鄭介公。亦當時人。年事粹難嬰湖。但介公係文忠門生。官亦甚小。則文忠合在介公之上。至如涓剛奉祠。厥有典事故。非底之所敢僭。而文忠之讚非先生之大手筆。則無以發明而振舉也。宗曰。太學生。與陳宜中黃鋪劉黻等攻史嵩之丁大全被斥。丁敗後。登第擢制司幕官。故有是書云。轉運司有丞相忠宣范公祠。參政文忠真公祠。顏魯公祠。(在句容縣。)